

Bosna i Hercegovina  
Ministarstvo odbrane/obrane



Босна и Херцеговина  
Министарство одбране

## **P R A V I L N I K**

### **o upotrebi vojnih zrakoplova u Oružanim snagama Bosne i Hercegovine**

Sarajevo, juni 2007. godine

## S A D R Ž A J

I – OPŠTE ODREDBE	1
II – ZAHTJEVI ZA ANGAŽOVANJE VOJNIH ZRAKOPLOVA	2
III – PRUŽANJE USLUGA VOJNIM ZRAKOPLOVIMA	3
IV – ZAVRŠNE ODREDBE	4

Na osnovu člana 16. Zakona o upravi ("Službeni glasnik Bosne i Hercegovine", broj: 32/02) člana 13., člana 15., člana 44., člana 45. i člana 82. Zakona o odbrani Bosne i Hercegovine ("Službeni glasnik Bosne i Hercegovine", broj: 88/05), Ministar odbrane Bosne i Hercegovine, donosi

## **P R A V I L N I K**

### **o upotrebi vojnih zrakoplova u Oružanim snagama Bosne i Hercegovine**

#### **I. – OPŠTE ODREDBE**

##### Član 1.

Predmet ovog Pravilnika je definisanje nadležnosti za upotrebu, upotreba vojnih zrakoplova za potrebe Ministarstva Odbrane Bosne i Hercegovine (u daljem tekstu MO BiH), Oružanih snaga Bosne i Hercegovine (u daljem tekstu OS BiH) i drugih državnih organa, pružanja usluga subjektima van MO BiH i OS BiH, te pružanja pomoći u elementarnim nepogodama i katastrofama.

##### Član 2.

Vojni zrakoplovi se koriste za redovne aktivnosti u OS BiH prema planovima obuke (planovima školovanja) i naređenjima za upotrebu jedinica avijacije u miru, a u skladu sa nadležnostima za izdavanje zadataka za letenje utvrđenih u Pravilu letenja u OS BiH.

##### Član 3.

Ako se ne umanjuje gotovost OS BiH i ne ometa izvršenje zadataka iz člana 2. ovog Pravilnika vojni zrakoplovi se u miru mogu koristiti i za prevoz putnika i stvari (u daljem tekstu: zračni-transport), pružanje usluga, kao i za letove zrakoplova bez prevoženja putnika i stvari a za potrebe:

1. MO BiH, OS BiH i drugih državnih organa,
2. Pružanja usluga subjektima van MO BiH i OS BiH,
3. Hitnih medicinskih prevoženja pripadnika MO BiH, OS BiH i lica van sastava OS BiH,
4. Pružanje pomoći u elementarnim nepogodama i katastrofama u skladu sa odredbama Zakona o odbrani BiH.

##### Član 4.

Upotrebu vojnih zrakoplova za zadatke letenja iz člana 2. i člana 3. ovog Pravilnika kao i za zračni-transport ili za prevoz putnika u granicama zračnog prostora BiH i izvan njega, odobrava Ministar odbrane BiH ili lice koje on ovlasti.

## II. – ZAHTJEVI ZA ANGAŽOVANJE VOJNIH ZRAKOPLOVA

### Član 5.

(1) Zahtjev za angažovanje vojnog zrakoplova iz člana 3. dostavlja se na rješavanje nadležnom licu iz člana 4. ovog Pravilnika.

(2) U skladu sa odobrenjem nadležnog lica, za upotrebu zrakoplova iz člana 3. tačka 2. ovog Pravilnika, nadležni organ Ministarstva odbrane BiH sačinjava ugovor za realizaciju.

### Član 6.

Zahtjev za angažovanje vojnog zrakoplova treba da sadrži:

1. zahtjev (podatke o podnosiocu zahtjeva – naziv ime, prezime i adresu; lica; radne organizacije; ustanove ...)
2. podatke o vrsti tražene usluge
3. podatke o broju putnika i težini prtljaga, opis tereta po gabaritu i posebne zahtjeve prevoženja
4. podatke o vremenu, mjestu i uslovima utovara – istovara
5. podatke o licu odgovornom za kordinaciju priprema i
6. podatke o licu odgovornom za rad na izvršenju zadataka i obezbjeđenje uslova rada posade i zrakoplova.

### Član 7.

Za korištenje zrakoplova iz člana 3. tačka 2. ovog Pravilnika, zahtjev pored podataka iz člana 6. ovog Pravilnika, treba da sadrži i:

1. broj telefona i telefaksa tražioca prevoženja
2. dokaz o osiguranju putnika i tereta od svih rizika u zračnom prometu,
3. podatke o licu ovlaštenom za zaključivanje Ugovora.

### Član 8.

(1) Za medicinska prevoženja iz Člana 3. tačka 3. ovog Pravilnika, zahtjev pored podataka iz člana 6. ovog Pravilnika, treba da sadrži i :

- a) opis povrede odnosno bolesti i status bolesnika u odnosu na MO BiH i OS BiH,
- b) saglasnost nadležnog ljekara zdravstvene ustanove koja bolesnika upućuje da se bolesnik može transportovati zrakoplovom,
- c) podatke o potrebi za posebnim uslovima transporta (da li je lice pokretno ili na nosilima odnosno u kolicima, da li je neophodna dodatna medicinska oprema za njegu i sl.),
- d) podatke o pratiocima (medicinsko osoblje – odnosno članovi porodice),
- e) mjesto upućivanja i ko ga prihvata,
- f) lice odnosno ustanova koja snosi troškove prevoza zrakoplovom, ako lice koje se prevozi nije pripadnik MO BIH i OS BiH,
- g) podatke iz člana 6. ovog Pravilnika za prevoženje koje se naplaćuje kao usluga.

(2) Lica sa zaraznim bolestima se, načelno, ne transportuju.

#### Član 9.

Ako zrakoplov za medicinska prevoženja iz člana 8. ovog Pravilnika ne ispunjava sve uslove iz propisa o opremi zrakoplova za medicinski zračni-transport, prije prevoženja se od tražioca prevoza obezbjeđuje izjava da je sa time upoznat i da snosi odgovornost za posljedice zbog nedostatka opreme.

#### Član 10.

Za svaki let iz člana 3. ovog Pravilnika podnosilac zahtjeva izrađuje i spisak putnika koji dostavlja uz zahtjev za prevoženje. Spisak putnika iz stava 1. ovog člana treba da sadrži:

1. podatke o putnicima za pripadnike MO BiH i OS BiH - čin i zvanje, ime i prezime, naziv jedinice, JMBG, a za ostala lica ime i prezime, status u odnosu na MO BiH i OS BiH, te JMBG,
2. podatke o svrsi putovanja,
3. podatke o mjestu /aerodromu-heliodromu/ i vremenu ukrcavanja i iskrcavanja,
4. podatke o prtljagu putnika. Jedan primjerak spiska iz ovog člana dostavlja se uz zahtjev za prevoženje, a drugi primjerak ostaje podnosiocu zahtjeva.

#### Član 11.

(1) Komanda jedinice iz koje se angažuje vojni zrakoplov za prevoženje izrađuje objedinjeni spisak putnika i jedan primjerak se dostavlja pilotu kapetanu zrakoplova. Drugi primjerak se kroz izvještaj o izvršenom prevozu dostavlja komandi brigade ZS i PZO .

(2) Na etapnim mjestima ukrcavanja pilot kapetan posade ažurira spisak putnika unošenjem podataka o ukrcanim putnicima koji nisu bili na spisku za prevoženje, a kojima je odobreno prevoženje u skladu sa odredbama člana 4. ovog Pravilnika.

### **III. – PRUŽANJE USLUGA VOJNIM ZRAKOPLOVIMA**

#### Član 12.

(1) Pružanjem usluga vojnim zrakoplovima se smatraju zračni-transporti i letovi zrakoplova bez prevoženja putnika i stvari, koji se izvršavaju vojnim zrakoplovima za potrebe subjekata van MO BiH i OS BiH radi: realizovanja specifičnih poslova u privrednim, marketinškim i sportskim djelatnostima, izvođenja javnih radova koji se drugim sredstvima transporta ne mogu dovoljno kvalitetno i brzo realizovati.

(2) Pružanjem usluga vojnim zrakoplovima se ne smatraju:

- a) Upotreba vojnog zrakoplova po pozivu ili odluci nadležnih državnih organa u izvršenju zadataka obezbjeđenja javnih komunikacija i objekata od posebnog značaja za odbranu i za sprječavanje i eliminisanje vanrednih događaja koji mogu štetno uticati na odbranu zemlje,
- b) Korištenje vojnih zrakoplova radi spašavanja ljudi i imovine u elementarnim nepogodama i drugim nesrećama, po naređenju lica koje je za to nadležno po odredbama Zakona o odbrani BiH , Poglavlje V. član 44. i član 45.,
- c) Učešće u javnim radovima od značaja za MO BiH i OS BiH.

#### Član 13.

(1) Za usluge iz člana 12. stav 1. ovog Pravilnika se plaća naknada koja se određuje prema tržišnim uslovima, s tim što pri utvrđivanju cijene treba imati u vidu i druge okolnosti (hitnost izvršenja usluge, vrijeme trajanja izvođenja, složenost izvođenja usluge, vrijednost i amortizacija zrakoplova i druge opreme utrošene, odnosno upotrebene za pružanje usluge, kao i drugi troškovi u vezi sa pružanjem usluge, naknade lica koja su neposredno angažovana u vršenju usluge, režijski troškovi, porez na promet i interes MO BiH, OS BiH i brigade ZS i PZO za izvršenje određene usluge).

(2) Ministar Odbrane BiH svojim rješenjem potpisuje cjenovnik upotrebe vojnih zrakoplova za pružanje usluga po tipovima zrakoplova i kategorijama usluga koji se objavljuje u Službenom Glasniku BiH.

#### **IV. – ZAVRŠNE ODREDBE**

#### Član 14.

(1) Zrakoplovni transport i letovi iz člana 3. ovog Pravilnika se obavljaju u skladu sa Pravilom letenja u OS BiH.

(2) Izuzetno od odredbe stava 1. ovog člana, za zračni transport i letove koji se vrše kao usluga, tražilac usluge je prije angažovanja zrakoplova dužan da obezbijedi dokaz o osiguranju zrakoplova od štete prema trećem licu i osiguranju putnika i tereta od svih rizika u vazdušnom saobraćaju.

#### Član 15.

Zračni-transport i letovi iz člana 3. ovog Pravilnika se mogu vršiti samo na vojnom zrakoplovu upisanom u Knjigu evidencije registrovanih zrakoplova OS BiH.

#### Član 16.

Upisom u Knjigu evidencije registrovanih zrakoplova OS BiH, vojni zrakoplov stiče državnu pripadnost BiH.

#### Član 17.

Označavanje i registracija vojnih zrakoplova OS BiH vršit će se na osnovu Uputstva o označavanju i registraciji zrakoplova OS BiH.

#### Član 18.

Ministarstvo odbrane BiH je dužno da pored davanja ovlašćenja licima iz člana 4. ovog Pravilnika reguliše i ostala pitanja neophodna za korištenje zrakoplova iz člana 3. ovog Pravilnika.

Član 19.

U skladu sa potrebama i vrstama aktivnosti iz člana 3. tačka 2. i 3. ovog Pravilnika, te procjeni njihovog obima i obaveza ugovorenih strana, komandant brigade ZS i PZO OS BiH ima obavezu da obučava i osposobljava posade za obavljanje djelatnosti u zračnom saobraćaju u skladu sa Zakonom o zrakoplovstvu Bosne i Hercegovine.

Član 20.

Ovaj Pravilnik stupa na snagu danom donošenja.

Broj: 06-03-8-2857/07  
Sarajevo, 21. 06. 2007. godine



**Ministar odbrane BiH**

**mr. Selmo Cikotić**